

AUGLÝSING

um framlengingu viðskiptasamnings við Vestur-Þýzkaland.

Hinn 1. júlí fór fram í Reykjavík undirskrift undir bókun nr. 3 varðandi samning frá 8. desember 1950 um vöruskipti milli Íslands og Sambandslýðveldisins Þýzkalands. Samkvæmt bókun þessari er nefndur vöruskiptasamningur framlengdur til 31. desember 1953.

Íslensk þýðing á bókuninni fylgir auglýsingu þessari.

Þetta er hér með gert almenningi kunnugt.

Utánríkisráðuneytið, 26. júlí 1952.

Bjarni Benediktsson.

Magnús V. Magnússon.

Fylgiskjal með auglýsingu um framlengingu
viðskiptasamnings við Vestur-Þýzkaland.

BÓKUN NR. 3

varðandi samning frá 8. des. 1950 um vöruskipti milli lýðveldisins Íslands og Sambandslýðveldisins Þýzkalands.

Dagana 23. júní til 1. júlí 1952 fóru fram viðræður milli samninganefnda lýðveldisins Íslands og Sambandslýðveldisins Þýzkalands. Fulltrúar þessara landa, sem höfðu umboð til samninga, gerðu samkomulag um það, sem hér fer á eftir:

1. gr.

Samningurinn frá 8. desember 1950 milli lýðveldisins Íslands og Sambandslýðveldisins Þýzkalands skal, til viðbótar ákvæðum bókananna frá 4. september 1951 og 6. marz 1952, varðandi nefndan samning, framlengjast til 31. desember 1953.

2. gr.

Hlutaðeigandi stjórnvöld Sambandslýðveldisins Þýzkalands skulu veita innflutningsleyfi fyrir vörum þeim, sem greindar eru á hjálögðum lista I á þeim tímum, sem þar greinir.

Hlutaðeigandi stjórnvöld lýðveldisins Íslands skulu að sínu leyti veita útflutningsleyfi fyrir nefndum vörum, ef þörf krefur.

Eigi skal afhenda nýjan fisk (að undanteknum hraðfrystum fiski) nema á tímabilinu frá 1. ágúst til 15. nóvember.

3. gr.

Hlutaðeigandi stjórnvöld lýðveldisins Íslands skulu veita innflutningsleyfi fyrir vörum þeim, sem greinir í hjálögðum lista II á þeim tímum, sem þar greinir.

Hlutaðeigandi stjórnvöld Sambandslýðveldisins Þýzkalands veita að sínu leyti útflutningsleyfi, ef þörf krefur.

54
26. júlí

4. gr.

Hlutaðeigandi stjórnvöld lýðveldisins Íslands skulu veita útflutningsleyfi fyrir vörum þeim, sem greindar eru á hjálögðum lista III á þeim tímum, sem þar greinir.

5. gr.

Hlutaðeigandi stjórnvöld Sambandslýðveldisins Þýskalands skulu veita útflutningsleyfi fyrir vörum þeim, sem greindar eru á hjálögðum lista IV á þeim tímum, sem þar greinir.

6. gr.

Breytingar á listum I til IV, svo og breytingar á afhendingartíma samkvæmt 3. málsg. 2. gr., má gera á þann hátt, sem ráð er fyrir gert í 3. gr. bráðabirgðaviðskipta- og siglingasamnings lýðveldisins Íslands og Sambandslýðveldisins Þýskalands frá 19. desember 1950.

Gjört i Reykjavík hinn 1. júlí 1952 í tveimur eintökum.

Fyrir hönd lýðveldisins Íslands

Fyrir hönd Sambandslýðveldisins
Þýskalands

Undirritun til bráðabirgða:

Undirritun til bráðabirgða:

J. Th. J. 1. 7. 52
(Jóhann Th. Jósefsson).H. N. 1. 7. 52
(Hans Nelson).Undirskrift fyrir ríkisstjórn
lýðveldisins Íslands:Undirskrift fyrir ríkisstjórn
Sambandslýðveldisins Þýskalands:

Bjarni Benediktsson.

Hans Nelson.

Fylgiskjal með bókun nr. 3 varðandi íslensk-þýzka
vöruskiptasamninginn frá 8. desember 1950.

LISTI I

Innflutningur til Sambandslýðveldisins
— vörur, sem eigi er frjáls innflutningur á —.

Hlp. nr.	Vörutegund	Upphæð í 1 000 DM	
		1. júlí til 31. des. 1952	1. janúar til 31. des. 1953
1.	Nýr fiskur (þar af allt að 800 000 DM fyrir hraðfrystan fisk)	7 500	7 500
2.	Saltsíld	1 200	1 200
3.	Saltflök, saltfiskur, niðursoðinn fiskur	2 000	3 000
4.	Íslenzkir hestar	85	170

J. Th. J.

H. N.

Fylgiskjal með bókun nr. 3 varðandi íslenzk-þýzka
vöruskiptasamninginn frá 8. desember 1950.

54
26. júlí

LISTI II

Innflutningur til Íslands

— vörur, sem eigi er frjáls innflutningur á —.

Hlp. nr.	Vörutegund	Upphæð í 1 000 ísl. kr.*)	
		1. júlí til 31. des. 1952	1. janúar til 31. des. 1953
1.	Steypustyrktarjárn	500	1 630
2.	Heitvölsuð rör	820	2 040
3.	Steypujárns-vörur	410	1 230
	Þar með talið:		
	steypujárns-miðstöðvarofnar		
	steypujárns-rör		
4.	Vélar, aðrar en rafmagnsvélar	820	2 120
5.	Gufukatlar, geymar og leiðslurör	160	410
6.	Raftæknileg áhöld og framleiðsluvörur, þar með taldir raflæðslukaðlar	1 220	2 860
7.	Byggingavörur og sement	820	2 450
8.	Linoleum og flókadúkur	330	820
9.	Vörur úr kátsjúk og hjólbarðar	650	1 630
10.	Alls konar frjávörur, þar með talinn krossviður, þil- plötur og síldartunnur	330	650
11.	Pappír og pappi í fiskumbúðir	410	1 220
12.	Tæknigler og öryggisgler	160	330
13.	Ýmsar iðnaðarvörur	1 470	3 260
14.	Ýmsar landbúnaðar- og neyzluvörur	160	330

J. Th. J.

H. N.

Fylgiskjal með bókun nr. 3 varðandi íslenzk-þýzka
vöruskiptasamninginn frá 8. desember 1950.

LISTI III

Innflutningur til Sambandslýðveldisins

— vörur, sem frjálst er að flytja inn —.

Hlp. nr.	Vörutegund	Upphæð í 1 000 DM	
		1. júlí til 31. des. 1952	1. janúar til 31. des. 1953
1.	Harðfiskur	2 000	5 000
2.	Fiski- og síldarlýsi, óunnið	1 200	3 000
3.	Hvallýsi, óunnið	1 500	3 500
4.	Fiski- og síldarmjöl	2 000	5 000
5.	Brennisteinn	p. m.	p. m.
6.	Brotajárn	p. m.	p. m.

J. Th. J.

H. N.

*) Umreiknað á grundvelliinum: 1 US-\$ = 16,286 ísl. kr.; 1 ísl. kr. = 0,0614 US-\$.

54 Fylgiskjal með bókun nr. 3 varðandi íslensk þýzka
 26. júlí vöruskiptasamninginn frá 8. desember 1950.

LISTI IV

Innflutningur til Íslands

— vörur, sem frjálst er að flytja inn —.

Hlp. nr.	Vörutegund	1. júlí til 31. des. 1952	1. janúar til 31. des. 1953
1.	Koks	1 500 t	3 000 t
2.	Anþrasít-kol	500 t	700 t
3.	Járn og stál, kald- og heitvalsað	1 630 000 ísl. kr.	3 670 000 ísl. kr.
	<i>J. Th. J.</i>	<i>H. N.</i>	

55
 20. ágúst

BRÁÐABIRGÐALÖG

um breyting á lögum nr. 48 25. maí 1949, um hlutatryggingasjóð bátaútvegsins.

FORSETI ÍSLANDS

gjörir kunnugt: Atvinnumálaráðherra hefur tjáð mér, að sökum þess að síldveiði hafi enn brugðizt í sumar þá sé alger vá fyrir dyrum, ef síldarútvegsmönnum verði ekki veitt aðstoð vegna aflabrestsins, og að eðlilegt sé, að lögunum um hlutatryggingasjóð bátaútvegsins, nr. 48/1949, verði breytt í það horf, að síldveiðideild hlutatryggingasjóðsins verði heimilað að nota stofnfé sitt og jafnframt að taka lán hjá fiskideildinni, með ábyrgð ríkissjóðs, til þess að veita aðstoð samkvæmt reglum sjóðsins. Þá þyki rétt að togarar, sem gerðir hafa verið út á síldveiðar í sumar, njóti bóta úr hlutatryggingasjóðnum.

Með því að ég fellst á, að brýn nauðsyn beri til að gera umrædda breytingu á lögum um hlutatryggingasjóð, eru hér með samkvæmt 28. gr. stjórnarskrárinnar gefin út bráðabirgðalög á þessa leið:

1. gr.

Aftan við síðustu málsgr. 10. gr. komi þrjár nýjar málsgr., svo hljóðandi:

Á árinu 1952 er sjóðsstjórninni heimilt, með samþykki ráðherra, að skerða stofnfé síldveiðideildar.

Ríkisstjórninni er heimilt, f. h. ríkissjóðs, að ábyrgjast allt að 4 millj. kr. lán, er stjórn hlutatryggingasjóðs tekur fyrir hönd síldveiðideildar hjá hinni almennu fiskideild, svo og að ákveða, að ríkissjóður greiði vexti af lánum síldveiðideildar.

Togaras, sem gerðir hafa verið út á síldveiðar sumarið 1952, skulu njóta sömu bóta úr síldveiðideildinni og síldveiðiskip í I. flokki.

2. gr.

Lög þessi öðlast þegar gildi.

Gjört í Reykjavík, 20. ágúst 1952.

Ásgeir Ásgeirsson.

(L. S.)

Ólafur Thors.